



FELLOWSHIP NEWS

(For private circulation only)

Website: www.zcfdelhi.com: E-mail: zcfdelhi.co@gmail.com

Theme: Arise and shine, for your light has come! And the glory of the Lord is risen upon you. Isaiah 60:1

Zomi Christian Fellowship, Delhi : 10.05.2026 Theme of the year: "Revive us again" - Psalm 85:6

Nu hoih leh hoih lo

Leitungah nu omlo in kuamah piang lo cih I theih ciatsa hi. Nu hoih tampi a om mah bangin nu hoih lo zong om lua hi. Nu hoihte in a tate uh it cihtakin it in, a siat ding uh phal peuhmah lo uh hi. A nek tangtang uh nesak in, a silh tangtang uh silhsak uh hi. A damloh uh ciangin zong an ngawl tui ngawl liang mah in a tate uh damna ding in a hihtheih zah un hihsak uh hi.

Lai Siangtho sungah nu hoih mahmah bangzah hiam kimu hi. Tuat lakpan a hoih khat leh a hoihlo khat en dihi ni.

1. **Hanah:** Hanah pen Samuel nu hi. Amah pen taciing hi a, ta nei nawnlo ding a kingaihsut khit pek cianga Pasion in lamdangtaka a piak tapa ahi hi. Nak it mahmah ding hi. "Numei in amah nawi tawh a kikhensak khit ciangin kum thum a pha bawngtal khat, annel seu khat, leh leenggahzu savun thawl khat tawh amah la-in, Shiloh-a Topa' inn-ah amah a paipih hi (I Samuel 1:24)". A tapa pen tawi nuam lai ding hi. No nuam lai ding hi. Naupang cik khat a koihkhiat ding haksas mahmah ding hi. A ang pan a a khenkhiat ngamna pen thu dang hang hi peuhmah loin a deihsak luat man ahi hi. A tapa pen Topa' innsungah a khankhiat ding deihsak pen hi.

2. **Athaliah:** Kumpi Ahaziah a hoih lo a a gamtat pen a nu' hang cih theih hi. Bang hang hiam cih leh Khang Tangthu Nihna 22:3 sungah, "Ama nu in a sia-a a gamtatna ding lamlak ahih manin amah zong Ahab innkuan dangte' gamtat bangin a gamta hi". Naupang melmawl Ahaziah in sia leh pha khenthei nai loin gamta memek ding hi. Anu Athaliah in a sia a a gamtat nading lamlak mawk ahih manin a it a nu, a muan a nu, a nung a zuhi a nu' gamtat bangbang in a gamtat loh hong phamawh hi. Hih bang nu zawzen cih huai peuhmah hi. Khang Tangthu Nihna 23:21 ah Athaliah kithat a, "Tua ahih ciangin gamsung mi khempeuh lungdam uh hi. Namsau tawh Athaliah a kithah khit ciangin khuapi sung a nuam pah hi", kici mawk hi.

Nu hoih tampi om a, tuni in nang nu hoih na hi diam? A tunga nute gel kua hoih nasa zaw hiam? Nu hoihte in a tate uh bangcih uh hiam?

Kumpi Solomon in a nu pahtawi hi. Kumpite Masa 2:19 ah, "Tua ahih ciangin Adonijah tangin ama tungah thu a gen ding in Kumpi Solomon kiangah Bathsheba va pai hi. Tua ciangin tuanu a dawn ding in kumpipa ding in tuanu mai-ah a kun hi. Tua ciangin ama tokhom tungah tu-in kumpipa' nu' adingin tutna khat lasak hi. Tuanu ama taklamah a tu hi.

Tuni in I nute pil in hai taseleh I pahtawi ding thupi mahmah hi. Tokhom guan in, sang tawi in, zahtak in I hihtheih bangbang in I nute pahtawi ciat ni.

PA IN A TATE A THUHILHNA

Na nu khasiatna ding in gamta, kampau kei in la, na nu simmawh kha kei in.

Na nu' hong itna na thukkik zo kei zongin, na nu' hong itna a mawka suaksak ngei kei in.

Na nu' ading a tanu/tapa hoih khat na suahzawh nading in hanciam den in.

Na zi/Pasal hangin na nu mudah ngei kei in.

Nang nu na it mah bangin na zi/pasal' nu it zawh sawm in.

Na nu' deihi loh, na nu' phalloh na khat peuhpeuh sem/bawl kha kei in.

Na nu pen nute' ni leh ni thupite kia ah pahtawi leh a it hi loin, a tawntungin pahtawi in, itzawh sawm den in.

Na nu na lungkim/lungdam sak zawh zahzah bangin ama thupha ngah ding hi teh cih phawk gige in.

Na nu na khasiatsak zahzah hamsiatna ngah ding na hi cih phawk in.

Na nu' tungah Pasion in thupha tampitak hong koihsak cih phawk gige in.

Midangten bangci bangin na nu hong gensiatsak ta leh nang adingin na nu zah a a hoih kuamah dang om tuan lo cih phawk in.

Na nu' lametna leh ama lungmuanna nang kia na hih lamtak phawk in.

Today's Verse: Exodus 20:12 "Honor your father and your mother, that your days may be long in the land that the Lord your God is giving you".

TODAY'S PROGRAMME

MOTHERS' DAY

10.05.2026 (2:00 -4:15PM)

Bible reading & Prayer: Pi Ngeknu

14:00-14:20: Praise & Worship : PW Team/YD

14:20-14:30 Spl No/recitation : Joyce Kimkim, Tete, Lianbawi, Annaliese Moi, Solomon, Siambawi

14:30-15:10: Message : Rev TK Lianpu, Pastor, ZCF Vikaspuri

15:10-15:35: Spl No./ Hymn : Dawngi, Saanhoipa, Kimkim, Lam Cing, GMB

15:35-15:40: Offertory prayer : Pa Densil Samte

15:40-15:55: Gift to Mothers : Pa Lamboi & Pa Muanneue

15:55-16:00: Prayer for mothers : Rev B Nelson TK Lal

16:00-16:05: Announcement : If any

16:05-16:10: Closing Hymn :

16:10-16:15: Closing prayer : Dr Pum Lian Mung

NEXT SUNDAY PROGRAMME

17.05.2026 (2:00 -4:00PM)

Bible reading & Prayer : Nu Gin Khan Ngai

14:00-14:20: Praise & Worship : P&W Team

14:20-14:30 Spl No/recitation : Nuamsanhoih, Lamminthang, Bozhinai Niang San Nuam, Kimkim,

14:30-15:10: Message : Rev B Nelson TK Lal

15:10-15:20: Hymn/Spl No. :

15:20-15:25: Offertory prayer : Pa Chinkhandal Lianzaw

15:25-15:35: Prayer for Manipur : Pa G Gin Chin Lam

15:35-15:40: Announcement : If any

15:40-15:45: Closing Hymn :

15:45-15:50: Closing prayer : Pa Hau Lian Pau

Sunday Collections (by cash only) 03.05.2026

Sunday Offering 3650

Tithe (In cash only) 14346

Antangpham 2350

Faith Promise (Apr - Jun 26) 28800+6000

Contd from column-1

Na nu' adingin na khat peuhpeuh sepsak ding thasial kha kei in.

Na nu' tungah itna lak tawntung inla, thupha ngen zelzel in.

Na nu'n pilna, siamna a neih loh hangin nang' adingin leitunga a zahtakhuai pen ahi hi.

Na nu deihi khempeuh na pia zo kei ta zongin na nu' kisap bangbang a pia zo ngeingei ding in hanciam den in.

Na nu'n hong dampih lai ahih leh a damsak Pasion tungah lungdam ko khial kei in la, sawtpitak mah hong cidampih a, a khansau theih nading thungetsak den in.

Na nu'n a kimuthei kipahtawinate sangin a kimutheilo nangmah itna lungtang deihsaw hi cih phawk den in. A nu simmawh a, a khasiasak miten leitung thupha a ngah loh banah khansauna ciam khalo ding uh a, a nu it a, a lungkim/lungdamsak miten ahih leh leitung thuphate leh damsawtna ngah in tang ding uh hi.

Usher for May & June 2026 :Mr. Josiah & Miss Zen Thian Muang - Stage Ushers: Cin Thang leh Khen Za Mung

LUNG DAMNA THU TANGKO THEIHNA DINGA THUAKNA MANPHA
Tg. S Khup Lam Thang @Daniel Thang Singsit (Contd from last Sunday)

ii. Lungdamna thu ah hangsang ding kisam (Aneu 28): Sawltak Paul in eite tangko pih Lungdamna thu a do mite hanga lau lo ding leh, hangsang takin a dingkip nading uh leh tua banga a do mite guallel in Lungdamna thu a tangko pihte mah Pasian in gualzosak veve ding ahihna gen hi. Hih a gen hangsanna pen hiamgamna, thatang hatna, leh kiphatsakna lam-a hangsanna, leh Khristian ka hi ci-a a min pumgup na lam-a hangsanna gen hilo a, nunemna, thuakzawhna, lainatna, veina, hehpihna, leh itna kammal zatnate pan i nuntakna mahmah tawh lakkhia kawm-a Jesu neite zia-le-tong hici bang hi, cih lakkhia kawmna tawh hangsang taka Lungdamna thu gen ding ahihna lam kaw zaw hi.

Tulaitak in zong i teenna gamte uah Khristiante hong kilangpanna leh Lungdamna thu i tangko theih loh nadingin thukhun tuamtuan kibawlte pansanin nakpitak hong kido ahihna i theician mahmah uh hi. Sawltak Paul gen mah bangin ei Khristian ten Lungdamna thu leh Jesu Khris pen mihing kihtak mana i compromise mawkmaw theih ding uh thu hi lo hi. Ahangin eite upna pen leitung mihingte mit in a muhtheih loh tawntung nuntakna (eternity) tawh kisai thu hi-a, tua mah zong i Topa Jesu mihing banga leitung ah hong pianga Singlamteh tungah hong sihna san ahi hi.

Lungdamna thu hangsang taka i tangko ngamna ding hang pen Lai Siangtho sungah i sim mana thumanna maimai leh a minpu' le-a Khristian kichna ciang bek tawh tangko ding hi lo-a, Jesu Khris upna hanga ei mahmah nuntakna hong kilamdangsak, hong khek vilvel, leh kuama'n hong muhsak theih loh kha muang taka leitung paisan/nusia hiuhiau ding cih ei mahmah-a kician taka theih telna hanga, tua bang kha muanna midangte'n zong Jesu Khris kiang panin sang/ngah mahmah uh henla, vangam nopna leitung i nuntak sunga zong ciang khak theih ahihna theician le uh ci-a veina/lainatna lungtang takpi tawh tangko ding ahi hi. "Na Kumpi Gam hong tung hen," cih pen a tawntung-a vangam ah Jesu tawh kikholh anop dan ding lei-ah zong Amah tawh ei mahmah mimal a kizopna (personal relationship) pan zong kiciam khol thei ahihna genna zong ahi hi.

Tua hang mahin i Topa Jesu mahmah in zong "pumpi a that theih uh hangin, kha a that thei lote kihtakin na nei kei un. Tua sangin hell khuk sungah pumpi leh kha a nih-a a susia thei Pa na kihta zaw un," ci hi (Matthai 10:28).

iii. Upna bek tawh hi lo, thuak ngamna tawh zong Khris nasep sem ding (Aneu 29-30): Sawltak Paul in upna thu tan bek tawh Khris nasep ding hi lo-a, upna hanga thuakna tawh zong Khris nasepna pen hamphatna leh Lungdamna thu (Gospel) a cingtaak/kingcing taktakna hizaw hi-in gen hi. I Pasian in Lai Siangtho sungah leitung ah nuam taka nuntakna hong ciam sangin Jesu Khris Lungdamna thu leh Amah' i zuihna hanga hong kimuhdahna ding, bawlsiatna i thuak ding dan leh langpanna tampitak thuak-a vangam lut dingte i hihna hong na gen hi (Sawltakte/Acts 14:22). Haksatna tuamtuan i thuak ciangin, tua i thuaknate tungtawnin Topa'n i Khristian upna leh nuntakna hong na seekseek ana hi gige a, tua mah bangin Pasian mite'n langpanna leh bawlsiatna i thuak uh ciangin tuate tungtawnin Topa'n Lungdamna thu a kizelhna dingin zang zawsop zaw zel hi (Sawltakte/Acts 8).

Sawltak Paul in kei tuahsa haksatna leh bawlsiatnate mah a maituah nahi uh-a, tu-in zong a thuak zom toto lai ka hihi, ci hithiat hi. Haksatna leh gentheihna namcin thuak kawmpi-a upna tawh Jesu ompihna telcianna hanga lungdam veve na pen Lungdamna thu teci (living proof of the Gospel) ahihna zong Sawltak Paul in hih sung pan hong lak hi.

Topa Jesu in zong hong hihkholhna ah Keima' min hangin muhdahna, bawlsiatna na thuak ding uh hi, ci-in hong na genkhin zo ahih manin (Mat 10:22) eite a dingin i upna leh lametna mah Sawltak Paul bangin lenkip tawntung kawm-a Lungdamna thu i tangko kawikawi ding leh a kisapna ah Jesu Khris i upna hanga thuak ngam dinga i kisin kholh ding a thupi leh a manpha penpen ahi hi. (Matthai 10:32) "Keima' mi ahihna thu mite' theihin a genkha mite, Ke'n zong vantungah ka Pa' maiah Keima mi ahihna thu ka gen ding hi."

I thuak ding khempeuh a theikhol i Topa Jesu in tomcik sung zong hong nusia lo-a Aman hong ompih tawntung ahihna hong genkhin zo a, tua pen a Kha Siangtho hong ompihna ahi hi (Matthai 28:20b; Johan 14:26-27).

"Pasian' ta ahite peuhmah in leitung nate zo uh a, i upna tawh leitung nate tungah a gualzo ihi hi," 1 Johan 5:4 (Reff. Kilaakna/Revelation 3:21).

Thukhupna: Sawltak Paul in Lungdamna thu hanga gimna, haksatna, kolbulhna a thuaknate khempeuh Jesu Khris min leh Lungdamna thu hanga thuakna ahih manin thuakna manpha (privilege) hi, ci-in Khris a dinga nungta khempeuhthe adingin hih bang thuaknate thuakna manpha hi cih ama nuntakna mahmahin a thuakna pan hong lakkhia hi.

Rev. Dr. JM Paupu in "kha mangthang khatbeek man lo-a vantung na tun leh, vantung na tun ciang peemta (refugee) bang ding hiteh," ci kiau se hi. Pasian in a tapa neihsun Jesu Khris hong sawlna hang zong kha mangthang (nang-lei-kei) honkhia ding mah-a hong sawl ahi hi. Nang-le-kei hong hotkhiatna pen, ei tungtawn-a leitung mite'n zong gupkhiatna ngah le uh, cih Pasian in a deiha hang (will of God) ahi hi.

Sia JM Paupu mahin a thugenna khatah a genkhak, Salvation Army pankhia William Booth kiangah missionary nasem a lawmpa khatin lungkia mahmah kawmin kha mangthang a mat het lohna thu a gen/koh leh, William Booth in "na khitui tawh na sin dii ve lawm," ci-in gen hi. Tua bang mahin Lai Siangtho in zong "kap kawmin kuankhia-a a tuh ding khaici a pua mi, lungdamna tawh buhlomte pua in hong ciahkik ding uh hi," ci hi. Late (Psalm 126:5-6). Lungtang tawng pan veina tawh a luangkha khitui malte Pasian mai leh Ama' Kumpi gam adingin manpha mahmah hi.

Kha mangthang matna dingin thungetna, sum-le-paa, Lai Siangtho hawmna, a thu bek tawh thapiakna, missionary sawlkha pawlpite kikhopna ah biakinn phiatna nangawn tawh zong kihel khak theih na hi gige hi.

"The peace the world longs for is found only in the Gospel." (concluded)

HAPPY MOTHERS' DAY TO YOU ALL